


1637_327.jpg



Histoire de nostre Temps.

327

l'autre qu'elle employa en munitions, comme pouldres, boulets & mesches, celle d'Arles fit voir ceste fois, & comme en plusieurs autres, qu'elle n'abonde pas seulement en bleds; mais aussi en braues hommes, & Aix, qui est la capitale de la Prouince, ne se contenta pas de fournir en particulier, par la contribution de toutes ses Cours; mais elle voulut encores fournir de son chef & en corps de ville, d'hommes, de viures & d'argent.

En ce mesme temps Monsieur le General des Galleres arriua avec trois galleres, & fut suiuy incontinent de trois autres, qui firent voir combien elles sont necessaires & vtiles en ceste mer.


Les Galleres ont beau- coup seruy à ceste entre- prise.

Le Lundy treisiesme du mois se passa avec beaucoup de bruit, tant du canon que des mousquerades qui se tiroient incessamment, & dans la nuict du mesme iour les nostres auancerent fort promptement vne redoute à deux cens pas de celle que les ennemis auoient redressée, ce qui les obligea d'y faire vn effort, & essayer de nous surprendre; de sorte que le lendemain quatorziesme du mesme mois ils firent vne sortie assez resoluë sur les deux à trois heures apres midy, ils estoient quelques cent cinquante hommes commandez par vn fort vaillant Capitaine Espagnol appellé Dom Pedro de Rodés, ils vinrent brauement iusques sur la contr'escarpe du fossé de nostre redoute, & vn Enseigne des leurs estoit desia monté par deux ou trois fois dessus le parapet, & auoit tousiours esté repoussé.


sortie des ennemis.

X iij

1637_328.jpg



1637_329.jpg



Histoire de nostre temps.

329
Ianson, les Cheualiers de Ville-neufue, & de Muaux, avec le sieur de la Verdriere, qui se joignit à eux, beurent à la santé du Roy de France, & luy à la santé du Roy d'Espagne; cela fait on recommença de battre plus fort que jamais.


Le 15. vne Galere de Genes, qui vint porter quelque secours à ceux de l'Isle de Saint Honorat, tascha de s'aprocher de sainte Marguerite; mais le canon de nos vaisseaux luy fist bien tost cognoistre qu'il n'y auoit salut qu'en la fuite, & qu'un plus grand nombre seroit inutile, neantmoins la nuit les corps de garde auancez ayant fait signe qu'ils apperceuoient les Galeres d'Espagne, & monstré leur nombre de quinze par autant de feux. Monsieur de Bordeaux donna si bon ordre à l'armée nauale, & les vaisseaux d'ailleurs estans fauorisez par l'esquadre des Galeres que Monsieur le General y auoit mené, que celles d'Espagne n'osèrent s'aprocher de la portée du canon, & se contenterent de s'estre montrées au deuant des forts assiegez, sans leur ayder d'aucune chose.

Le 16. 17. & 18. se passerent avec force coups tirez d'une part & d'autre, le sieur de Boucherrin, Gentil-homme d'Arles fut tué d'un coup de canon, avec vn Capitaine du Regiment de la Tour. Le 19. il n'y eut rien de memorable que l'Ordinaire qui porta ces lettres du Roy & de son Eminence à Monsieur l'Archeuesque de Bordeaux.


1637_330.jpg



1637_331.jpg



1637_332.jpg



Reddition du
Fort d'Ara-
gon.

332 M. DC. XXXVII.
premier President d'Aix, & de Lauzon, de contri-
buer tout ce qui dependra d'eux pour vous secourir
de toutes les choses dont vous aurez besoin pour faire
reüssir vostre entreprise.
Ce Gentil-homme va de la part du Roy, pour faire
executer toutes ces choses que vous desirez pour son
service en l'occasion presente: Et moy ie finiray ceste
lettre en vous priant de croire que ie suis, Monsieur,
Vostre tres-affectionné frere à vous rendre service,
le Cardinal de Richelieu. De Ruel ce 6. Avril
1637.

Le vingtiesme Avril, deux Sergents, vn Ca-
pitaine du Regiment de la Tour, qui estoit Ay-
de de Camp de Monsieur le Comte de Carces,
& vn Lieutenant du Regiment de Vitry, y fu-
rent tuez: & le mesme iour le Gouverneur du
Fort d'Aragon voyant que la bresche estoit des-
ja faite, & qu'on n'attédoit que l'occasion pour
y donner vn assault, fit sortir Dom Francisco
Bucharis son Enseigne avec vn tambour pour
demander assurance, que son Capitaine peut
parler au General, Monsieur le Comte de Car-
ces estant en vne redoute auancée la luy donna.
L'Enseigne s'en retourna au fort, & puis re-
fortit & s'en alla à Sainte Marguerite, d'où il
reuint avec le Sergent Major, qui se nomme
Segnor Crespo, homme fort experimenté, qui
proposa au sieur Comte de Carces, que celuy
qui commandoit au fort estoit soldat de fortune,
& que si on luy faisoit quelque party ho-
norable qu'il se rendroit. L'on en fit aduertir
Monsieur le Comte de Harcourt, qui enuoya
des cheuaux pour ce Sergét de bataille, & pour

1637_333.jpg



Histoire de nostre Temps.

333

l'Enseigne, & estant à vne redoute où estoient les volontaires, & la milice d'Arles, il fut arresté qu'ils sortiroient vie sauue, armes & bagage, tambour battant, mesche allumée par les deux bouts, bale en bouche, & sauf conduit iusques à Final. On les embarqua sur vne flute, deux heures apres ils sortirent cent trente quatre hommes, dix blesez qui resterent, & sept à huit de morts.

Vne heure deuant la composition, le Gouverneur des Isles appellé Dom Miquel Peyrez de Goa, renuoya vn pionnier, qui d'estourdissement estoit allé à Sainte Marguerite, avec ceste rodomontade, qu'il le renuoyoit parce qu'il pourroit seruir à faire des redoutes, avec le fort d'Aragon, ils perdirent toute esperance de secours, ils se consoloient pourtant, disans que si les galeres eussent esté d'Espagne, comme elles estoient de Genes, qu'asseurement le secours fust entré; cependant l'ennemy estant sorti, on mit dix hommes de chaque compagnie sous la charge du sieur de Montpezat au Fort d'Aragon.

Braudes & rodomontades Espagnoles.


Le vingt-quattiesme, la tour de Batignier qui est sur le bout de l'Isle du costé du Ponent, se rendit sous la mesme composition, & en sortit vn Capitaine & 36. soldats.

Le mesme iour le Parlement, qui en cette rencontre a tesmoigné son zele & sa fidelité, & fait voir iusques où pouuoit s'estendre sa puissance, donna par cét arrest des sentimens d'honneur à ceux qui demeuroient clos & couverts dans leurs maisons, pendant que les autres

1637_334.jpg



1637_335.jpg



1637_336.jpg




Image issue du site mercurefrancois.ehess.fr - Cliché (c) Cécile Soudan